

**Akuunerulersitsinissaq pillugu Naalakkersuisut nalunaarusiamik saqqummiussinissamut Inatsisartunit suliakkerneqarnissaannik aalajangiinissamut siunnersuut. Nalunaarusiami ersersinneqassaaq inatsisartut oqaatsit pillugit inatsisaanni § 5, imm. 1 naapertorlugu kalaallisut oqaatsinik ilinniarnissamut pisinnaatitaaffik qanoq sunniuteqarnerseq, sunniutaalu naammaginatutut isigineqarsinnaanersog. Taamaanngippat sunniutaasup amigaataanerani naammaginanginneraniluunniit aporfiit suunersut paasissutissiissutigineqarnissaat kissaatigineqarpoq. Nalunaarusiami oqaatsinik ilinniarnissamut pisinnaatitaaffiup inatsimmi § 5, imm. 2 tunngavigalugu nalunaarusiuunneqarnissaa tamatumalu qanoq pinissaa inassutigineqassaaq. Peqatigitillugulu nunatsinni inuiaqatigiinnut, kulturimut, ileqqunut, peqatigeeriaatsinut naleqartitanullu tunngatillugu assigisaanik malittarisassaqartoqarnissaanik pisariaqartitsisoqarnerseq nalunaarusiami naliliisoqassaaq.**

(Inatsisartunut ilaasortaq Juliane Henningsen, Inuit Ataqatigiit)

### **Akissuteqaat**

(Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisog)

### **Siullermeerinnineq**

Akuunerulersitsinissaq pillugu nassuiaammik saqqummiussinissamik Naalakkersuisut peqquneqarnissaanik Inatsisartut aalajangigassaattut siunnersuut pillugu Naalakkersuisut aallaqqaasiullugu qujapput.

Oqaatsit pillugit politikki pillugu Inatsisartut inatsisaat innersuussutigalugu kalaallit oqaasiinik ilinniarnissamut pisinnaatitaaffik qanoq sunniuteqarsimanersog, taamaattoqarpallu sunniutaa taanna naammaginatutut isigineqarnerseq nassuiaammi erseqqissarneqarnissaa kissaatigineqarput, tassunga ilanngullugu oqaatsit pillugit inatsimmi § 5, imm. 2 naapertorlugu oqaatsinik ilinniarnissamut pisinnaatitaaffiup nalunaarusiornikkut piviusunngortittariaqarsinnaaneranut inassuteqaateqartoqarnissaa kissaatigineqarluni.

§ 5, imm. 2 Naalakkersuisut maannamut piviusunngortinnikuunngilaat.

Oqaatsit inuit kulturikkut kinaassusaannut pingaaruteqarnerisa saniatigut imminut attaveqatigiittarnermi sakkuupput.

Periusissiatut iliusissatullu pilersaarut Paaseqatigiissa pillugu Naalakkersuisut siulii 2014-imi nassuiaasioput – suliniutit innuttaasut ulluinnarni kalaallisut oqalussinnaaneranik qulakkeerinniffiusussat. Sullinniakkanut assigiinngitsunut tunngatillugu suliniutissatut imaluunniit pingaarnertut immikkoortullu akornanni innuttaasut ilaasa kalaallisut ulluinnarni oqalussinnaanngitsut oqalussinnaanlernissaannik allattuiffimmik nalunaarusiaq imaqarpoq.

Suliniutit ataasiakkaat aningaasatigut kingunissaat missingersuummik naatsorsukkat periusissiatut iliuusissatullu pilersaarummi ilaapput.

Tamassumunnga tunngatillugu iliuusissatut pilersaarutit Naalackersuisut misissorusuppaat, tulleriinnilersuinerillu aallaavigalugit suliniutit pitsaanerpaamik sunniuteqartut Naalackersuisunit isigineqartut piviusunngortissallugit.

Soorlu Juliane Henningsen siunnersuutimini allattaq nunatsinnut tikerlaanut assigiinngitsunik pikkorissartitsisoqartarpoq. Pisortani atorfeqartunut ilisarititsilluni pikkorissarnernik neqerooruteqarpoq pikkorissarnerillu taakku ilaat suliffeqarfinnit namminersortunit nutaamik atorfinitsitaminnut pikkorissartitsinertut pisiarineqarnissaat aamma periarfissaavoq. Kulturimik oqaatsitigullu naleqartitanik, ileqqunik ileqqulersuutinillu pikkorissarnerni taakkunani sulisunut ilisarititsisoqartarpoq.

Kalaallit oqaasiinik pikkorissarnissamik maannakkut neqeroorutit pillugit oqaluttuarineqarsinnaavoq oqaatsit aappaattut kalaallit oqaasiinik aallarlerlaanut qummullu Oqaatsinik Pikkorissarfiup nammineq imaluunniit suliffeqarfiit, namminersortut pisortallu sulisoqarfii suleqatigalugit aqqissugaanik Oqaatsinik Pikkorissarfik neqerooruteqartarpoq. Pikkorissarnerit aamma najuulluni pikkorissarnertut, taamatut pikkorissarnissamut tunngavissaqartuni najukkami pikkorissarnertut imaluunniit interneti atorlugu pikkorissarnertut neqeroorutigineqartarput. Tamassuma saniatigut kulturimik sunngiffimmilu ingerlatsinerit pillugit inatsit naapertorlugu kommunit kalaallit oqaasiinik inersimasunik ilinniartitsisarput.

Oqaatsit pillugit politikki pillugu Inatsisartut inatsisaanni maannakkut atuuttumi Danmarkimiit nunanillu allaniit nuuttut immikkoortinneqanngillat, inunnullu pingasunngorlugit immikkoortillugit tunngatinneqarluni: 1) kalaallit oqaasiinik ilinniarnissamik pisariaqartitsisut, 2) danskit imaluunniit tuluit oqaasiinik ilinniarnissamik pisariaqartitsisut, 3) kalaallit kulturiat, oqaluttuarisaanerit inuiaqatigiinnilu pissutsinik paasisaqarnissamik pisariaqartitsisut.

Naalackersuisut isumaqarput oqaatsit pillugit inatsisip nalilersornissaa pisariaqartinneqartoq, tamannalu tunngavigalugu inatsisip allanngortinneqarnissaanik pisariaqartitsisoqarnerisooq nalilersorneqassaaq. Oqaatsit pillugit inatsimmik nutarterinissaaq inatsisissatut pilersaarutinut maannamut ilaanikuuvoq aammalu UKA 2016-imut inatsisissatut pilersaarutissanut ilanngunneqassalluni.

Siunnersuut UKA 2016-imut oqaatsit pillugit inatsimmik ataatsimut isigalugu nalilersuinissamut Naalackersuisut ilanngukkusuppaat, tassani siunnersuut taaneqartoq nalilersuinerit ilanngunneqassalluni.

Naalackersuisut taamatut oqaaseqarlutik siunnersuutip akuerineqarnissaa oqaatsillu pillugit inatsimmut nalilersuinissamut ilanngunneqarnissaa inassuteqaatigaat.